

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE

**Dom naroda**

Broj: 02/c-14 - 1679/19

Sarajevo, 26. 9. 2019. godine

Na osnovu člana 64. stav 1. tačka b), člana 65. Zakona o javnim nabavkama („Službeni glasnik BiH“, broj 39/14), čl. 11. i 12. Pravilnika o nabavci roba, vršenju usluga i ustupanju radova Doma naroda Parlamenta Federacije Bosne i Hercegovine, broj: 02/c-14-165/15 od 28.1.2015. godine i Preporuke Komisije za provođenje postupka javne nabavke Doma naroda Parlamenta Federacije Bosne i Hercegovine, broj: 02/21-14-1679 /19 od 25. 9. 2019. godine, u postupku javne nabavke putničkog/službenog vozila za potrebe Doma naroda u konkurentskom zahtjevu za dostavu ponuda, sekretar Doma naroda, donio je

**ODLUKU**  
**o izboru najpovoljnijeg ponuđača**

**Član 1.**

Prihvata se preporuka Komisije za provođenje postupka javne nabavke Doma naroda Parlamenta Federacije Bosne i Hercegovine, broj: 02/21-14-1679 /19 od 25. 9. 2019. godine i ugovor za javnu nabavku putničkog/službenog vozila za potrebe Doma naroda, dodjeljuje se ponuđaču „**AC QUATRO d.o.o.**“ **Put Života 1 Sarajevo**, ponuda broj: 602/2019 od 18.9.2019. godine, za ponudenu cijenu od **49.487,18 KM (slovima: četrdeset devet hiljada četiri stotine osamdeset sedam 18/ KM), bez PDV-a**, kao najbolje ocijenjenom.

**Član 2.**

Prijedlog ugovora o nabavci dostavit će se na potpis izabranom ponuđaču „AC QUATRO d.o.o.“, Put Života 1 Sarajevo, u slučaju da ne bude podnesena žalba na postupak, najkasnije u roku od 10 dana od dana okončanja postupka javne nabavke.

**Član 3.**

Za izvršenje ove odluke odgovoran je sekretar Doma naroda Parlamenta Federacije Bosne i Hercegovine.

**Član 4.**

Ova odluka objavit će se na web-stranici Doma naroda Parlamenta Federacije Bosne i Hercegovine, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**Član 5.**

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## Obrazloženje

Komisija za javnu nabavku imenovana je Rješenjem broj: 02/c-14-94/19 od 18.1.2019. godine.

Postupak javne nabavke pokrenut je Rješenjem o pokretanju postupka javne nabavke, broj: 02/c-14-1679/19 od 6. 9. 2015. godine. Javna nabavka je provedena konkurentskim zahtjevom za dostavu ponuda. Procijenjena vrijednost javne nabavke bez PDV-a je 49.999,00 KM.

Obavještenje o nabavci broj: 56-7-1-37-3-5/19 poslato je na objavljivanje dana 9. 9. 2019.godine, a objavljeno je na Portalu javnih nabavki dana 9. 9. 2019.godine.

Zahtjev za dostavu ponuda je dostavljen sljedećim ponuđačima (istovremeno sa slanjem obavijesti na Portal javnih nabavki):

1. Ponuđaču: Porsche Sarajevo,
2. Ponuđaču: AC QUATRO d.o.o,
3. Ponuđaču: Auto centar Školjić, Tešanj.

Komisija za javnu nabavku dostavila je 25. 9. 2019. godine sekretaru Doma naroda Zapisnik o ocjeni ponuda i Preporuku o izboru najpovoljnijeg ponuđača u postupku javne nabavke putničkog/službenog vozila za potrebe Doma naroda Parlamenta Federacije Bosne i Hercegovine, radi donošenja Odluke o izboru najpovoljnijeg ponuđača.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda **jedna**;
- da je blagovremeno zaprimljena **jedna** ponuda;
- da je neblagovremeno zaprimljeno 0 ponuda.
- da je ponuda ponuđača „AC QUATRO d.o.o.“ Put Života 1 Sarajevo, **prihvatljiva**.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

U postupku ocjene provedenog postupka, sekretar Doma naroda nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocjenjen na osnovu kriterija najniže cijene i to:

PODACI O NAJPOVOLJNIJEM PONUĐAČU		
1.	Naziv / ime ponuđača	„AC QUATRO d.o.o.“
2.	Adresa	Put Života 1 Sarajevo
3.	Ukupna cijena ponude bez PDV-a	49. 487,18 KM
4.	POPUST	0,00 KM
5.	17 % PDV-a	8.412,82 KM
6.	Ukupna cijena ponude sa PDV-om i popustom	57.900,00 KM

Iz navedenih razloga, primjenom člana 64. stava (1) tačka b) i člana 70. Zakona o javnim nabavkama, te člana 12. Pravilnika o nabavci roba, vršenju usluga i ustupanju radova Doma naroda Parlamenta Federacije Bosne i Hercegovine odlučeno je kao u dispozitivu ove Odluke.

#### **POUKA O PRAVNOM LIJEKU**

Protiv ove odluke može se izjaviti žalba ugovornom organu na način propisan zakonom, najkasnije u roku od 5 (pet) dana od dana prijema ove Odluke.



SEKRETAR  
mr.sci Izmir Hadžić

#### **Dostavljeno:**

- Sekretaru Doma naroda
- „AC QUATRO d.o.o.“, Put Života 1 Sarajevo
- Komisiji za provođenja postupka javnih nabavki Doma naroda
- Službi računovodstva,
- a/a.

26.09.2019  
Opć. kurir  
M. Muhamedović